

厄弟子皆當率諸同學建齋祈請以立功德
中元玉籙簡文神品曰為師威儀當願開
化四方歸宗法教廣遠普天成就德流自下
門徒興隆

中元玉籙簡文神品曰為師威儀當願弟
子受教聰明學業智慧意志日成

中元玉籙簡文神品曰為師威儀弟子歸
情當加誠勵願得成就早出愛獄上登大聖
中元玉籙簡文神品曰為師威儀弟子歸
心情丹意盡師當齊恩內外相應無所容隱

中元玉籙簡文神品曰為師威儀弟子不
及當加訓厲嚴整法教有過兒子

中元玉籙簡文神品曰為師威儀弟子有
慶師當欣願道成德隆福流無極

中元玉籙簡文神品曰為師威儀弟子有
憂師當慰接晨夕係心有若一已

中元玉籙簡文神品曰為師威儀弟子厄
疾師當建齋晨夕祈請以立功德拔度災患
中元玉籙簡文神品曰為師威儀教宣法
化當令弟子四輩平等齊同心腹無懷感意

天尊告太上大道君曰洞玄靈寶中元宮中
玉籙簡文神品目舊有上元中元下元三
部威儀部有八百條三部合二千四百條皆
金書玉字仙都左公總錄於中元宮中自經
龍漢之後淪於泯泯其文改易多不全舊至

赤明元年前上聖撰校抄集要用部有八十條
三部合二百四十條秘於三元宮中以玉華
之女金晨玉童各二百四十人燒香侍經檢
錄漏慢依玄科四萬劫一傳神真下教運度
促急道須真人四百年下世教化四十年中
聽今三傳年限未充輕宣靈文七祖囚於地
獄身負風刀萬劫無原

天尊言自然威儀諸天之俯仰真人之儀軌
得盼之者皆德劫因緣先身宿有金簡玉名
神品中應得仙度故見其文以成其真修
之者則馳騁龍駕白日登晨奉之者七祖即
得去離地獄上昇天堂道遠中元玉仙宮中
門戶清肅萬災不干三界敬護萬神朝門其
道尊貴宜秘之焉太上稽首作禮奉承要言
洞玄靈寶玉籙簡文三元威儀自然真經

洞玄靈寶鐘磬威儀經
爾時智德真人與五百真人等眾同詣太上
稽首請問集眾威儀

太上曰眾有二種一者聖眾二者凡眾若說
法齋戒禮拜下謝救度生死一切福會應當
來集皆聽擊鐘皆

元始天尊於色界天中教化說法時至不齊
眾有前後放十種相光從眉間出徹照諸天
五億世界無量國土普使聞知示大神力演
真一妙道合五和之精成元靈寶鐘各隨方

域同發靈音聲遍天地響若琳琅皆作洞章
晝夜震動應十二時一切眾生聞悉歡喜百
惱皆除時不信者信未悟者悟生諸善慧與
正念心自是之後鐘聲制度普遍十方汝今
所請當欲開悟諸眾生智德稽首弟子後生

末學雖聞鐘磬未解威儀不審諸天所有同
於下界亦有等差

太上告曰三清上境三界十方大小名目亦
有不同今粗說之汝其聽焉
太上告曰大羅天中有九明華鐘七曜神鐘

洞光傳鐘飛精空鐘大光雲鐘開天光鐘自
 然神鐘玉清天中有鳳生天鐘華寶雲鐘寶
 焰靈鐘玉龍華鐘空明寶鐘九合光鐘萬變
 瑤鐘上清天中有十華寶鐘四華鳳鐘電耀
 明鐘龍耀明鐘鸞翔華鐘太清天中有九精
 合成鐘百寶空明鐘結雲華鳳鐘天飛龍鐘
 九天中有白鳴華鐘九色光鐘萬寶華鐘大
 自然鐘皆結自然真精妙悉而成光明洞徹
 神化無方千形萬象應變難名或大或小隨
 運自鳴音聲響亮和雅應神四梵天中有度
 命神鐘長生靈鐘濟生神鐘消魔神鐘及鬼
 神鐘制魔神鐘降魔神鐘伏邪神鐘揮靈寶
 鐘集仙瓊鐘歸真和鐘三界天中有保生之
 鐘昌樂之鐘自鳴之鐘安國之鐘應命之鐘
 寶齡之鐘延和之鐘長壽之鐘護神之鐘皆
 以紫鳳翠龍之金照夜明寶之寶承九天之
 氣九泉之火合而成之宛利天中有蓮花之
 鐘翔雲之鐘宛鳳之鐘交龍之鐘退齡之鐘
 消災之鐘度厄之鐘護國之鐘定生之鐘保
 命之鐘修期之鐘辟兵之鐘消魔之鐘皆以

洞玄靈寶鐘磬威儀經

金銀銅鐵瓊瑤寶玉鑄錐彫刻而成各有百
 千萬億或六時九時十二時悉有典鐘靈官
 玉童玉女金精猛獸獅子辟邪金剛神王防
 守侍衛晝夜考擊闕悟琴生於是授智德威
 儀科誠告下三界十方令得見聞於是智德
 禮拜太上伏受威儀

太上曰世間鐘用金銀銅鐵作兩角三角四
 角六角九角無角大小隨宜懸治左方臺閣
 樓殿依時整法服祝誦讚唱擊之皆初急之
 緩疎打三下若八下為節急之復初急之緩
 疎擊二十四槌急之復急之緩徐擊十二槌
 畢

太上曰非時不得妄擊若不整法服清淨祝
 誦失其節度皆五帝考之死墮寒冰之中百
 劫當生無眼之報慎之焉
 太上曰若道士終亡擊鐘三百六十槌示人
 知終
 太上曰磬以金銀銅鐵玉作若行道禮誦讚
 唱齋誦擊以節之皆當作無慧之智德因說
 祝頌十三章

平旦

六梵應天關 萬帝朝雲宮 飛香靄未日
 流詠順清風 神真散瑤華 靈音泛太空
 眾聖赴期來 遠近聽鳴鐘

日出

紫微發天光 青華生琅音 萬景照雲宮
 眾仙禮玉岑 流響動長空 餘聲振寶林
 慶此天真樂 敬我幽滯心

辰時

披雲登天軒 環目矚九清 遐想排雲逸
 俯聞空洞聲 眾動非所觀 妙音良可聽
 發彼瓊瑤響 解茲幽蔚情

禺中

玉女乘靈機 金鐘振返響 開覺萬天人
 拔度九幽爽 苦鬼拔雲出 沉鬼乘運上
 神力巨思議 法音被無象

正中

太虛包六氣 至道敷一元 梵聲論地絡
 法鼓出天端 境空心自靜 情攀志更誼
 察此六時響 釋我百憂煩

日昧

圓童轉空輪 神女撫幽機 晝夜天關盡
循環星杜布 鳳鳴十二時 龍翔百六歸
擊以瓊華音 暢我天尊成

晡時

四龍隨天運 五帝推日車 月女散寶香
雲宮下瑤華 十仙聆法鐘 俱集太上家
五苦長解脫 恒吟空洞歌

日入

高抗萬天機 晝夜相循環 太上敷聖教
普告於世間 應境立真王 分職有司官
仙童擊玉鐘 衆聖朝天關

黃昏

朱景控朝暉 紫輪乘夜月 二曜遞推遷
四序無停歇 玉童唱時至 寶鐘鏗然發
稽首無上尊 攜駕登金闕

人定

陽輪下幽室 陰景照雲房 珠臺鏗瑤音
碧殿瀉瓊香 妙聲發空洞 微響含幽章
共美虛中曲 清音風外揚

中夜

靈童啓星扉 聖母御雲龍 日月相代謝
晝夜更故新 天下萬合香 空降千品真
玉音羅太虛 金鑑生紫烟

鷄鳴

五億諸天境 三千世界中 方方列仙域
處處有神鐘 梵音生法宇 妙韻起靈風
因緣常不絕 功德永無窮

常鳴鐘聲偈

鹽潔披天衣 端念陟雲臺 時至當鳴鐘
仙聖步虛來 瓊音徹玄都 金香謁紫微
萬騎雲間逸 九華空外飛 鳳凰翩翩翔
獅子縱橫馳 仙人坐誦經 稽首禮十方

王女羅瑤餌

虛想在三清 天尊住虛空 惚恍本無形
湛然自靈應 常能感精誠 西妃撫瑤琴
齊和空洞聲 地獄無罪魂 天堂奏善名
一振琅鐘響 萬衆稽首聽

太上曰此頌偈龍漢劫初元始傳諸天帝王
誦之者魂神清暢衆真降房鳴鐘祝之與響

一百間明徹十方萬聖歡樂九幽救魂男女歌
誦國土安寧永享福祚世世無窮
太上曰衆集時聽三下鐘冠帶整香長鐘竟
嚴淨威儀復與梵音齊發摩羅諸座旋繞竟
已叩磬節之人天聖凡皆以之集當審慎焉
勿羅五帝之罰也

太上曰玄都有八瓊華鐘置中天之臺應六
梵氣周十二機不擊自鳴聲徹十方衆真稽
首聽聲而會玄都諸天取則矣智德真人及
同來五百衆一時稱善稽首而退

洞玄靈寶鐘磬威儀經